

# ITLF BULLETIN

A Publication of ITLF Media & Publicity Department

VOLUME I-ISSUE NO 32

SPECIAL EDITION

SUNDAY 03 SEPTEMBER 2023

## Lamka ah Joint Director IB toh ITLF kihou uh

August 31, 2023 zinglam dak 11 am vel in Lamka IB HQ veng ah Mandeep Singh, Joint Director Intelligence Bureau leh Gyan Samander, Joint Director Intelligence Bureau Imphal toh ITLF heutute PaGin Haokip, Chairman, Ginza Vualzong, Spokesperson, Thangzamang Hangsing, Ex-Officio leh Letpu Haokip, Ex-Officio te kimu uhi. Amau ten tuma a ITLF heutute toh Government of India kihounate etkikna nei uhi.

Salphate vuina di toh kisai in Joint Philanthropic Organisation (JPO) khut a koih ahih dan gen ua, Imphal a salpha luangte akintheipen a puaktung hi ding in genkhawm uhi. IB heutute gendan in Imphal ah siluang 46 om chi ua, huailak a Lamka mi 16 pha a, Kangpokpi mi 21, Moreh mi 4 leh unindented 4 pha chi uhi. Government in salphate vuina di toh kisai in pantheih nana a pang ut ahih dan uh gen ua, memorial park hita leh, approach road bawlina leh a dangdang a pang ut ahih dan uh gen uhi.

Singtang gam a Meitei commando-te lutlou di toh kisai tuma a i kihou nung uh Manipur Police leh commando-te kilutsaklou mah ahi chi uhi.

Political demand toh kisai SoO group toh kihouna

pai hoihzel chi ua, tua le paitou lellel ahi chi uhi.

Lamka to Aizawl helicopter service toh kisai trial landing sai hi lel a, tu ma a Lengpui Airport di chih pen Mualpui Airport a khek ahih dan gen uhi. Kal khat a service a tamtheipen bawl ding in ITLF heututen ngen uhi.

Imphal a Jail a omte toh kisai genkhawm hi a, ITLF heututen akinthei pen a suankhe ding in ngen uhi. Suankhiak a lemtan kei leh minor cases teng bek pardon a khakhkiak hi leh chi in ITLF heututen ngen uhi. Hiai ban ah inmates te toh family te kihoutuah theihna ding in video conference ngaihtuah ding in genkhawm uhi.

Student-te lehkha zilna di toh kisai poimoh bangbang kithuzaktouh zel ding chi ua, IDPte tenna di pre-fabricated houses bawlina toh kisai kithuahpihna pe ding in IB heutu ten ngetna bawl uhi.

Hiai ni mah in Manipur Chief Secretary in le ITLF heutute kimuhpih ut mah leh ITLF heututen Meitei government toh kihou utlou ahih man un buaina tuam paulam in meeting nawlkhin uhi.

### ITLF MEDIA CELL ACTIVITIES AT A GLANCE

48

Press Releases

36

Memorandums

36

Public Notices

14

TV Episodes

70+

Media Interactions

16.3k

YouTube Subscribers

10.3k

Twitter Followers

61

Videos

32

ITLF Bulletins

250+

Activities

A tangpi in ITLF Media Cell in Press Releases, Memorandums leh Public Notices bawl a, i buaina toh kisai in Data Collections leh Daily Incident Tracker bawl uhi. Hiai ban ah mipi awareness na ding in TV Discussion program "The Tribal Narrative" leh ITLF Bulletin publication bawl zelzel uhi. I buaina toh kisai document kepbit poimoh sa in Documentation le bawl uhi. Khovel theih a i buaina uh genkhiak ahihna ding in media interviews neizel ua, i gam a media persons hong hawhte kithuapih zel uhi. Ei sung ah mipite toh kithuzakna ding in press briefings nei zel uhi. Internet lam ah kithuzaktuahna ding in ITLF website enkai ua, social media handles tuamtuan enkai uhi. Mipi theih ut information tuamtuanle le ana pekhe zel uhi.

**DISTRIBUTION OF RELIEF MATERIALS BY ITLF RELIEF & MEDICAL DEPARTMENT**

S/No	Name of JPO/Center	No of inmates	Rice	Dal	Alu	Onion	Cabbage	Salt	Neutrila	Oil	Chana	Fish Tin	Sugar	Tea Leaf	Wood	Sanitary pads	Total (Bag/Box)
1	HYA	1429	724	165	114	53	420	300	39	99	32		5	13			1964
2	ZYO	623	346	53	58	39	45	36	46	55	7.5		3	10	2.3		700.8
3	SYO	272	92	26	19	18	25	23	8	11.6	5		18	5			250.6
4	TYO	142	76	16	11	9.5	15	11.1	3	12	3.5		0.5	40			197.6
5	KKL	16119	3162	687	424	183	420	792	168	402	39	2	24	120			6423
6	YVA	3397	1670	330	215	101	240	224	124	224	51		21	65			3265
7	YPA	821	446	113.10	59	41	51	59.4	35	121.6	13	15	7	13	0.5	70.5	1045.1
8	TCYA	186	51	13.5	8	8	15	12.2	6.5	9.5	2		1	0.25	1		127.95
9	YMA	1779	475	151	72	43	60	44	22	60	12		5	27			971
<b>Total</b>		<b>24768</b>	<b>7042</b>	<b>1554.6</b>	<b>980</b>	<b>495.5</b>	<b>1291</b>	<b>1501.7</b>	<b>451.5</b>	<b>994.7</b>	<b>165</b>	<b>17</b>	<b>84.5</b>	<b>293.25</b>	<b>3.8</b>	<b>70.5</b>	<b>14945.05</b>

\*Numbers are in bags or boxes

**ITLF RELIEF & MEDICAL DEPARTMENT SUPPORTS**

**83**

Frontline Mess

**13**

Dropping Centers

**115**

Relief Camps

**115**

Relief Mess

**3127**

Medical Patients

Record om dungzui in tutan in ITLF in damlou mi 3127 medical facilities tuamtuum ah enkolta hi. Hiai lak ah 30% te ahih leh frontline volunteers te hi ua, a dang 70% te ahih leh Relief Camp tuamtuum a om Internal Displaced Persons (IDP) te hi uhi. A tangpi in damlou ki-enkolte discharged ahihtan uh etkol in om uhi. Medical treatment toh kisai in ITLF in sumsenna estimate in Rs 1,56,35,000/- (One Crore Fifty Six Lakhs Thirty Thousand) phazou hi. Hiai ban ah Guwahati a damlou serious deuhthe etkolna ding in atuam in Rs 13 lakhs ITLF in pia hi.

**UPDATE TILL 03 SEPTEMBER 2023**



**132**  
CONFIRMED DEATHS



**200**  
VILLAGES BURNED



**7000+**  
HOUSES BURNED



**360**  
CHURCHES BURNED



**41425**  
DISPLACED PERSONS



**204**  
RELIEF CAMPS

**RELIEF SUPPORT**

Office: ITLF Secretariat, Hiangtam Lamka

**Contacts:**

Mangcha Thangzom – 8837368373 (Convenor)

V. Gouthianmuan - 9862086583 (Co-Convenor)

**FINANCIAL SUPPORT**

Office: ITLF Secretariat, Hiangtam Lamka

**ITLF Joint Bank Account:**

Name: Henkhopao Haokip & N. Vialkhanthang

Account No: 41912626404

IFSC: SBINO064016 | Bank: SBI Salbung Branch

## ITLF toh kisai dotna tuamtuan omte dawnna

ITLF toh kisai thuthang tuamtuan leh dotna tuamtuan omte mipi amhaihsakthei a om ziak in dawn theih dandan in dawnna i bawl ahi.

### 1. **ITLF kha German bawlkhiak leh amah control hi hiam?**

Manipur gam a anti-tribal policies tuamtuanme doudaltu di organisation kipankhia a omlouh ziak in tribe makai tuamtuanmen Indigenous Tribal Leaders' Forum (ITLF) 09 June 2022 ni in ana bawlkhia uhi. German bawlkhiak hilou a, amah control hilou ahi.

### 2. **ITLF Defense fund teng KNF MC a lut. ITLF fundte MCte thau leina dia kizang ahi.**

ITLF in United Tribal Volunteers nei a, hiaite i gamgi veng dia volunteerte ahi uhi. Defense fund pen midang kiang a lutlou a, UTVte zat di licensed single barrel thautang leina dia kizang ahi. Tua ban ah ei tualsuak galvan tuamtuan bawlina dia kizang ahi. Defense sum zatna teng public a koihkhiak tu hun a dia thil hoih hilou ahi chih mipi in i theihshiam poimoh hi.

### 3. **ITLF in antang bag 400 mangthangsak ahi.**

ITLF a ding in Antang bag 800 piak in om a, hiaite la ding in ITLF Relief & Medical department va kuan mahleh uh amun ah pawl khat in thau ana load khum ua, antang bag 400 laksak ua, antang bag 400 kia piak in om uhi.

### 4. **Nomenclature gengenlough di chite'n bangziak a tribe wise a volunteer bawl sawm ua?**

Nomenclature gengen in kituah sang a kituahlouhna hon tunzaw ahih ziak in ITLF in nomenclature paipihlou mah ahi. Tunai in khua khenkhat a khua mipite duty tawl akisak ziak un ITLF ah panpihna hon ngen uhi. Huchi in ITLF Presidential Council tukhawm in, volunteer sawl beh di thouthou ahih leh tribe makaite theihpihna le hikawm ding in tribe wise (nomenclature wise hilou) a sawl ding in lem ana sa uhi. Himahleh mipi a tamzaw deihdan ahihlouh ziak in hiai thupukna zukkik ahi.

### 5. **ITLF in bangziak a Zomi Council telsaklou a, Zomi Council nengniamna a kibawl hi hiam?**

ITLF i chih Lamka sung a recognised tribe based forum ahi a, district tuamtuan leh mun tuamtuan huap a innpate huam kha chet kei mah leh tutung i buaina May 3 a hong kipat in Zomi Council leng ITLF a pang ding in chialna bawl in om uhi. Himahleh Zomi Council Chairman kampau kiza dan in tunaizek a pawl kibawl tawm ITLF nuai ah Zomi Council omtheilou ding a chih ziak in, a thupukna ITLF in zahtak hi. ITLF in Meitei gal dou a, ei sung a pawl dangte douna ding hun neilou hi.

### 6. **YouTube interview-na khat ah tutung buaina a liam khat in ITLF kiang ah a kisukkhakna panpihna a nget ITLF in panpihna pelou a, si leh liamte etkaina sumte koi ah kizang hi hiam chih dotna om hi.**

ITLF in tutan in damlou mi 3127 etkolna in crore 1 val sengta hi. Sumsenna asan ziak in hospital a admit ngailoute panpihna kipezoulou phot a, kisanlah huai mahmah hi. Hiai toh kisai a i kitheihshiam uh poimoh hi.

### 7. **International lam akipan ITLF in crore crore a sum mu, huaite koi ah kizang hiam?**

Isreal leh US akipan ITLF in crore-crore a sum mu chi in kigen thang mahleh atak in Israel akipan in Rs 1.4 lakhs kimu a, US akipan in Rs 3.5 lakhs vel kimu hi. ITLF finance sum muhna leh zatna a chiang zaw thei utten chik lai peuh in ITLF Finance department office ah kan gige theih ding hi.

8. **Defense lam ah Z lamte'n tang khalou ua, K lamte khut a lut hia bang chi dan a?**

Frontline lam ah i thautawite pangtuak uhi. Amau operational area dungzui in kihawm uhi. ITLF in amau nasepdan leh kivaihawmdan toh kisai ah thuneihna neilou a, vai hawm sawmlou hi.

9. **ITLF Women Wing ten condom hawm utoh kisai.**

Duty post khenkhat ah vuah azuk chiang a thaulawng muk tuamna di leh mobile phone tuamna ding in condom ngetna a om dungzui in ITLF Women Wing ten drop-point ah va koih uhi. Hiai drop-point akipan duty post condom poimohloute kiang a tunkhak ziak in kitheihsiamlouhna omkha chih thu ahi.

10. **Thautang man di khatlam chauh a lut.**

Automatic thautang man a tam a, ITLF chawmzoh di hilou a, huai ziak in ITLF in UTVte zat di kia pezouta dih phot ahi.

11. **Zanlam in team Khenkei Ni in frontline aphaklai ua, Kangvai a commander khat in a gen - ITLF a kipan panpihna tuni tan bangmah mulou a chi uh toh kisai.**

ITLF in Frontline-te a di nek leh tak leh van poimohte drop-point 13 nei a, hiai drop-point-te akipan frontline mess mun 83 pesawn zel uhi. Direct in ITLF in mess center leh duty post ah va koihlou uh ahih man in ITLF akipan nek leh tak hongpaite ana theikha lou uh ahi ding hi. ITLF Relief nasepna leh relief material hawmkhiakna a chiangzaw thei utten chiklai peuh in ITLF Relief & Medical office ah va et theih gige ding hi.

12. **52 lakhs defense fund toh kisai.**

ITLF Finance sum zatna detail teng public a genkhiakdan omlou ahih man in, sumzatna detail thei utten ITLF Finance office ah chiklai peuh in et gige theih ding hi. Defense sumzatna i chih confidential ahih man in public a phoulak chi hilou a, a thei ut tinten ten office ah va kan mai ding in i kitheisak ahi. ITLF kia sum dong ahi kei a, veng/khua chih leh pawl tuamtuam in sum dong uh ahi a, amaute sumzatna bang le i theih ut leh public a dong lou in, amau kiang ah kan di ahi.

13. **Meitei Leepun chief Pramot Singh in ITLF Chairman trained ahih leh, ITLF toh kikhutzop ahi uhia?**

Nidang buaima thamtham in Pramot Singh leh ITLF Chairman PaGin Haokip in NGO khat ah ana semkhawm ngei uhi. Training a piak a chih pen NGO nasepna lam a training a genna ahi. ITLF toh Meitei Leepun kizopna omlou hi.

14. **ITLF Bulletin bangziak a suak gige lou a?**

Daily local newspaper a hong om akipan in ITLF Bulletin poimohna tam kisa nawn kei a, a poimoh chiang chouh a ITLF Bulletin kisuah lel ahi. Huai banah ITLF Media Cell in lam tuamtuam a nasep di a neih ziak un, bulletin pen a poimoh hun chauh a suah di kichi ahi.

15. **ITLF Zomi douna, Kuki dopsanna**

ITLF i chih tribe based a kibawl ahi a, nomenclature toh kisai kha lou a, huai ziak in ITLF in nomenclature paipihlou hi. ITLF sung ah tribe tuamtuam Paite, Simte, Vaiphei, Zou, Gangte, Hmar, Mizo leh Kuki om ahih man in khat douna leh khat dopsanna omtheilou ahi.

16. **ITLF in na sawksau lua uh.**

Political talks la SoO groupte khut ah ITLF in koih a, Defense lah SoO groupte khut mah a koih in om a, a koisan pentak ITLF in sawksau ahi a chih mipite dotna ka hon bawlzaw uhi.